

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10), a u vezi sa članom 112. stav 1. Poslovnika Skupštine Zeničko-dobojskog kantona-Prečišćen tekst (“Službene novine Zeničko-dobojskog kantona”, broj 7/12), razmatrajući Inicijativu za izmjenu Prostornog plana Zeničko-dobojskog kantona podnijetu od Općinskog vijeća Vareš, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 118. sjednici, održanoj dana 25.07.2013. godine, d o n o s i

## ZAKLJUČAK

### I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi Općinskog vijeća Vareš za izmjenu Prostornog plana Zeničko-dobojskog kantona (2009.-2029.).

### II.

Stav Vlade o Inicijativi iz tačke I ovog zaključka upućuje se Skupštini Zeničko-dobojskog kantona.

### III.

Zaključak stupa na snagu danom donošenja.

Broj: 02-\_\_\_\_\_ /13.

Datum, 25.07.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,

1x Stručna služba Skupštine Zeničko-dobojskog kantona,

1x a/a.

Na osnovu člana 112. stav 1. Poslovnika Skupštine Zeničko-dobojskog kantona-Prečišćen tekst ("Službene novine Zeničko-dobojskog kantona", broj 7/12), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, d a j e

## MIŠLJENJE

o Inicijativi Općinskog vijeća Vareš za izmjenu Prostornog plana Zeničko-dobojskog kantona (2009.-2029.), („Službene novine Zeničko-dobojskog kantona“, broj:4/09 i 5/10), koja glasi:

„U tekstualnom dijelu tačke 2. Projekcija prostornog razvoja u dijelu 2.9.2. Planirana elektroenergetska infrastruktura u tabeli Potencijalne hidroelektrane na vodotocima II kategorije dopune slijedećim lokalitetima na području općine Vareš:

1. MHE „Vareš“ –vodotok r.Stavnja- snaga 1,100 MW,
2. MHE „Kula“ –vodotok r. Stavnja- snaga 0,578 MW
3. MHE „Hodžići“ –vodotok r.Stavnja- snaga 0,500 MW,
4. MHE „Tribija“ –vodotok r.Tribija- snaga 0,840 MW,
5. MHE „Ušće“ –vodotok r.Tribija- snaga 0,405 MW,
6. MHE „Očevija“ –vodotok r.Očevija- snaga 0,750 MW,
7. MHE „Duboštica“ –vodotok r.Duboštica - snaga 0,750 MW.

Izmjene u tekstualnom dijelu usaglasiti sa grafičkim prikazima koji sadrže podatke o predmetnim lokalitetima.“

Ministarstvo za prostorno uređenje, promet i komunikacije i zaštitu okoline Zeničko-dobojskog kantona citiranu Inicijativu smatra neosnovanom iz slijedećih razloga:

Skupština Zeničko-dobojskog kantona na sjednici održanoj 19.02.2009.godine donijela je Prostorni plan Zeničko-dobojskog kantona (2009.-2029.) na prijedlog Ministarstva za prostorno uređenje, promet i komunikacije i zaštitu okoline Zeničko-dobojskog kantona koje je u ime Vlade Kantona bilo Nosilac pripreme Plana.

Nosilac izrade Prostornog plana Zeničko-dobojskog kantona bio je Kantonalni zavod za urbanizam i prostorno uređenje.

Postupak donošenja Prostornog plana proveden je u skladu sa Zakonom o prostornom uređenju ("Službene novine Zeničko-dobojskog kantona", broj:2/04, 2/05) kao i Uredbom o jedinstvenoj metodologiji za izradu dokumenta prostornog uređenja ("Službene novine Federacije BiH", broj:63/04).

Nacrt Prostornog plana Skupština Zeničko-dobojskog kantona dala je na javni uvid, a provedena je i Javna rasprava u svim općinama Kantona nakon čega je utvrđen Prijedlog Prostornog plana u kojem je dat pozitivan stav po pitanju iskorištavanja hidroenergetskog potencijala vodotoka na području Kantona izgradnjom hidroelektrana u svrhu proizvodnje električne energije.

Prostornim planom Zeničko-dobojskog kantona utvrđene su potencijalne lokacije hidroelektrana na vodotocima I i II kategorije i stvorene planske pretpostavke za njihovu potencijalnu izgradnju.

Izvori podataka na osnovu kojih su potencijalne hidroelektrane ugrađene u Prostorni plan Zeničko-dobojskog kantona 2009.-2029.godine ("Službene novine Zeničko-dobojskog kantona", broj:4/09, 6/09 i 5/10) su slijedeći:

- Studija prirodnih resursa Zeničko-dobojskog kantona –Knjiga broj 3 – Vode i vodna područja (Institut za hidrotehniku građevinskog fakulteta u Sarajevu, mart 2008.)
- Podaci dostavljeni od JP Elektroprivreda BiH d.d. Sarajevo – u toku izrade Prostornog plana Kantona dostavljeni su podaci (tekstualno i grafički) i rađena usaglašavanja sa predstavnicima JP Elektroprivreda BiH d.d. Sarajevo. Hidroelektrane na vodotocima I i II kategorije su utvrđene kao potencijalne, na osnovu ranijih studijskih istraživanja i na osnovu podataka dostavljenih od JP Elektroprivreda BiH, te su potencijalne hidroelektrane u slivu rijeke Gostović uvrštene na osnovu "Studije hidroenergetskog rješenja sliva rijeke Gostović" (Energoinvest, Higma Sarajevo 2002.).

- Nakon usaglašavanja navedenih raspoloživih podataka sa nadležnim institucijama, pojedinih ispravki tehničke prirode, brisanja pojedinih lokacija hidroelektrana zbog postojećih uslova i planskih pretpostavki (HE Krajinići, HE u zoni Spomenika prirode Tajan), provedene javne rasprave Nacrt Prostornog plana Kantona u svim općinama Kantona, urađena je projekcija-Energetske infrastrukture, kao sastavni dio Prostornog plana Kantona.

Zakonom o prostornom uređenju, odredbama člana 26. stav 6. propisano je da se izmjena dokumenta prostornog uređenja vrši po postupku i na način predviđen za izradu i donošenje tog dokumenta.

Da bi se postupilo izmjeni Prostornog plana potrebno je da Skupština Zeničko-dobojskog kantona donese Odluku o pristupanju izradi izmjena dokumenta prostornog uređenja u kojoj bi morali biti navedeni Nosilac izrade i Nosilac pripreme, granice područja za koje se dokument mijenja, smjernice za izmjenu, rok izrade, vremenski period za koji se dokument prostornog uređenja donosi kao i način finansiranja.

Sredstva za navedene aktivnosti Ministarstvo nema planirana za ovu godinu. Osim toga u toku je donošenje Prostornog plana FBiH (javna rasprava o Nacrtu Prostornog plana FBiH završena je 15.04.2012.godine) nakon čijeg usvajanja će Kanton i općine Kantona biti u obavezi izrade novih ili usaglašavanja postojećih planova sa planom višeg reda.

Zbog navedenog, smatramo da nije opravdano preduzimati aktivnosti na izmjenama Prostornog plana Zeničko-dobojskog kantona prije donošenja Prostornog plana F BiH.

**MINISTAR**

*Edin Terzić*